

KIMIADOU EUR MARTOLOD A VREIZ

CHANSON NEVEZ

Var don : *An drouc-hirnes* (le mal du pays) *Cetu ar flik a flok*

Bretonnet, me o ped, didostet da glevet
Eur c'himiad truezus, eun adieu trist meurbet
A ra de guervrois quen monet d'ar brezel
Eur martolod iaouank maguet en Breiz-Izel.

An eiz-varnaguent a viz maë me oa en faction
Oar bont ma batimant bars er rad en Tonlon,
O hortos partia vit mont d'an Itali
Oar ben tri de goude, e cleemp anbarqui.

Me gred a oa tremenet an heur a hanter noz
A ma c'hamaradet oa et da repos ;
Netra na drouble neuze ar silanç deuz an noz
Met ar mor e vurmuri gant eur moës rust a gros.

Ma daou zorn a oa c'harpet oar ma c'harabinen
Dindan ma zreid ar mor bras ac an Env us d'am fen ;
Heusi ran va mignonet pa deuan da gompren
Na ve tre 'n den ac ar maro nemet treus eur planquen.

Pa n'em velis ma unan oar bont ma batimant
E test deuz ma glac'har nemet ar firmamant
Me gommancas hirvoudi gant glahar ac anquen
Pa deuas da jong din a barous Trabien.

Ma daoulagat oa troet a zu ar vilajen
Lec'h a ma da guenta guelet ar sclerijen ;
~~A pa deuz da jonjal em c'herent ac an bro~~
Gant an dour deus ar mor n'em vesque ma daëro.

Aboue an devez fatal a meus rentet quittat
A dont da guimiadi deus ma mam a ma zad
Bep noz pa ven cousquet em huvre o goëlan
Ac o jonjal 'n ho glac'har noz a de a ouëlan.

O devez leun a c'hlac'har, a sizesper c'hoëro,
O devez deplorabl a carguet a ganvio
O quimiad anqueniuis a glac'harus meurbet
Me mo jonj ac'hanout queit a vin oar ar bet

Gant ma c'herent er guer e ma nehamant
Hi ra ma oll chagrin a ma brassant tourmant ;
Penezannonci de c'han breman d'ar brezel
Aoun meus d'ho lacat gant an nec'h d'a vervel.

Pa glevont quement-se a devont calonad
Goassoc'h vit an devez a renquis o c'huitad,
Ac hi devo couraj a oalc'h vit gallout supporti
Ep ma ranno o c'halon gant eur c'helo quen cri.

Houi sperejo evurus, o sænt a sæntezet,
Itron-Varia-Drue, ma guir vam biniguët,
Reït de ners a couraj en ho affliction,
Reït de ho assistanç, confortet ho c'halon.

Pelec'h eo et breman querent a mignonet,
An amzer-ze quen douç hac agreabl meurbet
Pelec'h eo et breman an amzer eürus-se
A oan en Trabien e no toez bemde.

Niget eo pel d'ouzin an amzer quen eürus
A oan sambles guenac'h, camaradet joaüs,
Tremenet e vidon, marteze vit james,
Ar bonheur ac ar joa m'em tanvet assambles

Pa zeï ann nevez amzer da gargan adare
Ar guez a vleuio caër ac a zelio neve,
Pa zeui e voar e c'his ar guenidel er vro
Na nimp mui assambles bep sul d'ar pardonniou.

Pa oan en o touez oan joaüs a laouën,
Mæs breman c'hon mantret, zious ! gant an anquen,
A ma oll plijadur zo bout neur plaç disro
O sonjal gant glac'har em c'herentac em bro.

Houi a velfe breman Yvonic, ho mignon ;
O pourmen e unan oar ar rad a Toulon,
O pourmen e unan alies tal an nod
A daëro he zaoulagat a red var e ziouchod.

Me ve c'hoas alies aseet oar eur roc'hel,
Ma doaulagat troet e var zu Breiz-Izel,
Mantret gant ar glac'har, a beuet em daëro,
O sonjal em c'herent zo er guer en canvo.

O douar a Vreiz-Izel, o ma bro biniguët,
Pegouls a zono an heur ma c'hin c'hoas d'ho kuelet ?
Pegouls a erruo ar momet ac ann de
A zeuio da laquat fin d'am c'haptivite ?

O devez leun a zouster, devez a eürustet !
Me zo sonjal ennout bep heur a bep momet ;
Doue trugarezus, hastet ar momet-se
Ma c'hin c'hoas da velet ma bro a ma c'hontre.

Tre ma oant o teplori oar bont ma batimant,
Ar loar a darzas souden ebars er firmamant ;
Neuze me a velas us d'am fen o nijel
Eur guenidel bian evar zu Breiz-Izel.

O ! prest din-me, eonic, prest din da zivesquel
Ma nigin en ez plaç da bete Breiz-Izel,